

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqutit imaattut saqqummiuppakka:

1. **Tunisassiornikkut suliffissat amerlisarneqarnissaat aalisartullu akinik pitsaannerusunik angusaqarnissaat tamatta pimoorunniarlugu qineqqusaarnermi kingullermi Siumumi sukataarpugut, aammalu avannaani tunisassiornikkut periarfissat aalisartunullu akit pitsaannerusut anguneqarnissaat assut ersarissuliutigalugu qineqqusaarpugut. Tamakku anguniarneqarnissaanut Naalakkersuisut qanoq iliorniarpat?**
2. **Aalisarnikkut tunisassiornermi unammilleqatigiinneq Upernaviup Uummannalu eqqaanut Naalakkeruisut eqqunniarpaat?**
3. **A. Upernaviup Uummannallu eqqaanut tunisassiorfinnik nutaanik unammillerniartunik qinnuteqaateqartoqarpa?**
B. Qinnuteqartoqarsimappat qinnuteqartut qassiuppat?
C. Qinnuteqartoqarsimappat qinnuteqaatit qaqugu aalajangiiffiginiarneqarpat?

(Hans Enoksen, Siumut)

Tungavilersuut:

Upernaviup Uummannallu eqqaani aalisartut akinik pitsaannerusunik angusaqarnissaat, aammalu tunisiniarnermi aporfeqarpallaaratik ingerlanissaat sakkortuumik kissaatigalugu Siumumi qineqqusaarpugut aammalu neriorsuutigalugu pinngitsoorani unammilleqatigiinneq eqqunneqassasoq.

Ukiuni kingullerni avannaani unammilleqatigiinnikkut periarfissanik ammaaniarlutik nalunngilarput saaffiginnittoqartaraluartoq taamanikkullu Naalakkersuisoqatigiinnik itigartinneqartartunik, assullu Siumumiit itigartinneqartartut pillugit sakkortuumik naammagittaalliortarluta, taamaattumik Naalakkersuisut massakut qanoq iliorniarnersut assut paaserusunnarpoq.

Apeqquteqaatimma ullut suliffiusut qulit iluanni akineqareersimanissaat kissaatigaara.